



Broj: 07-07-745-07/05
Mostar, 08.11. 2005. godine

Na osnovu člana 14. Zakona o električnoj energiji („Službene novine FBiH“ br. 41/02, 24/05, 38/05), članova 12. stav 1 i 14. stav 1 Statuta Regulatorne komisije za električnu energiju u Federaciji Bosne i Hercegovine („Službene novine FBiH“ br. 13/04) i članova 31. i 53. Poslovnika o radu Regulatorne komisije za električnu energiju u Federaciji Bosne i Hercegovine („Službene novine FBiH“ br. 59/04), te članova 44. stav 1 tačka „a“ i stav 2, 45. i 50. stav 1 Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine FBiH“ br. 37/05) i članova 9. 52. 55. 71. i 74. Pravilnika za tarifnu metodologiju i tarifne postupke Regulatorne komisije za električnu energiju u Federaciji Bosne i Hercegovine („Službene novine FBiH“ broj 45/05), Regulatorna komisija za električnu energiju u Federaciji Bosne i Hercegovine – FERK je, na XVI redovnoj sjednici održanoj u Mostaru dana 08.11.2005. godine, donijela

O D L U K U

o provođenju prvog tarifnog postupka

Član 1.

Utvrđuje se da je započeo prvi tarifni postupak po zahtjevima podnesenim od strane podnosioca zahtjeva J.P. «Elektroprivreda Bosne i Hercegovine» d.d. Sarajevo i to: po zahtjevu za odobrenje kratkoročnih marginalnih troškova energije br.07-02-600/12/05 od 12.9.2005. godine, te po zahtjevu za odobrenje tarifa za djelatnost proizvodnje električne energije br. 07-02-647/18/05, po zahtjevu za odobrenje tarifa za djelatnost distribucije električne energije br. 07-02-647/19/05, i po zahtjevu za odobrenje tarifa za djelatnost snabdijevanja električnom energijom br. 07-02-647/20/05, svi podneseni dana 01.10.2005. godine.

Član 2.

Ovom odlukom utvrđuje se da su započeli postupci formalnih rasprava u prvom tarifnom postupku po zahtjevima iz članka 1. ove odluke, imajući u vidu odredbe *Zaključka* br. 05-07-745-05/05 od 08.11.2005. godine.

Član 3.

Postupci formalnih rasprava provest će se prema planu aktivnosti na provođenju postupaka formalnih rasprava iz člana 4. ove odluke, vodeći računa o rokovima za donošenje konačnih odluka o određivanju tarifa u prvom tarifnom postupku.



Član 4.

Formalne rasprave u prvom tarifnom postupku pokrenutom po zahtjevima iz člana 1. ove odluke održat će se u prostorijama FERK-a, na adresi Blajburških žrtava br. 33, Mostar, prema slijedećem rasporedu:

Predmet formalne rasprave	Datum i vrijeme formalne rasprave
Kratkoročni marginalni troškovi energije	21.11.2005. godine u 10:00 sati
Proizvodnja električne energije	22.11.2005. godine u 09:00 sati
Distribucija i snabdijevanje električnom energijom	23.11.2005. godine u 09:00 sati

Prije održavanja formalnih rasprava iz stav 1. ovog člana, održat će se pripreme rasprave radi odlučivanja o rasporedu radnji i drugim proceduralnim pitanjima kojim se upravlja tokom postupka.

Član 5.

Formalne rasprave iz člana 4. ove odluke su otvorene za javnost, s tim da javnost može biti prisutna formalnim raspravama, ali u istim mogu učestvovati samo podnositelac zahtjeva i umješaci.

Član 6.

Obavještenje za javnost o podnesenim zahtjevima iz člana 1. ove odluke i mjestu i vremenu održavanja formalnih rasprava iz člana 4. ove odluke objavit će se u „Dnevnom listu“, „Dnevnom avazu“ i na web stranici FERK-a, dana 09.11.2005. godine.

U obavještenju se navodi da umješac zahtjev za sticanje statusa umjешача podnosi u FERK-u do 14.11.2005. godine do 12 sati, koji je i rok do kada zainteresovane osobe mogu podnijeti pisane komentare na podnesene zahtjeve.

Obavještenje iz stava 1 ovog člana je sastavni dio ove odluke.

Član 7.

Status umjешача u formalnoj raspravi može steći pravno ili fizičko lice pod uslovom da pravovremeno podnese zahtjev za sticanje statusa umjешача, i da ispunjava slijedeće kriterije:



- da ima direktan interes u postupku, koji je različit od općeg javnog interesa i
- da raspolaže podacima i činjenicama od značaja za formalnu raspravu u prvom tarifnom postupku koji se vodi pred FERK-om.

Član 8.

Ova odluka stupa na snagu danom donošenja, te se objavljuje na web stranici i oglasnoj tabli FERK-a, kao i u «Službenim novinama FBiH».

O b r a z l o Ź e n j e

Dana 12.09.2005. godine, FERK je zaprimio od J.P. «Elektroprivreda Bosne i Hercegovine» d.d. Sarajevo zahtjev za odobrenje kratkoročnih marginalnih troškova energije br. 07-02-600/12/05 . Takođe, FERK je dana 01.10.2005. godine od istog podnosioca zahtjeva zaprimio zahtjev za odobrenje tarifa za djelatnost proizvodnje električne energije br. 07-02-647/18/05, zahtjev za odobrenje tarifa za djelatnost distribucije električne energije br. 07-02-647/19/05 i zahtjev za odobrenje tarifa za djelatnosti snabdijevanja električnom energijom br. 07-02-647/20/05. Prilikom pregleda kompletnosti zaprimljenih zahtjeva utvrđeno je da isti ne sadrže sve potrebne podatke i dokumente propisane Pravilnikom za tarifnu metodologiju i tarifne postupke FERK-a.

FERK je podnosiocu zahtjeva uputio Dopis br. 07-02-600-01/12/05 od 21.09.2005. godine i Dopis br. 07-02-647-02/18/05, 07-02-647-02/19/05, 07-02-647-02/20/05 od 28.10.2005. godine, kojima je tražio od podnosioca zahtjeva da zahtjeve dopuni potrebnim podacima i dokumentima.

Iako u trenutku donošenja ove odluke nedostaju određeni dokumenti i podaci propisani Pravilnikom za tarifnu metodologiju i tarifne postupke FERK-a, koje je FERK više puta zahtjevao, u cilju izvršenja svojih planskih aktivnosti za završetak prvog tarifnog postupka do kraja 2005. godine, a u skladu s članovima 9. i 71. Pravilnika za tarifnu metodologiju i tarifne postupke FERK-a, FERK je odlučio da podnesene zahtjeve smatra kompletnim, te da nastavi postupak po podnesenim zahtjevima, čime je započeo prvi tarifni postupak. Prvi tarifni postupak, FERK će provesti na osnovu podataka koje je dostavio podnosilac zahtjeva, a za traženu a nedostajuću dokumentaciju, podatke i informacije, FERK u skladu s Pravilnikom za tarifnu metodologiju i tarifne postupke FERK-a zadržava pravo procjene istih.

Član 45. Pravilnika o javnim raspravama i rješavanju zahjeva i žalbi FERK-a propisuje obavezu obavještanja javnosti o podnesenim zahtjevima za odobrenje tarifa i o datumu održavanju formalnih rasprava, kao i sadržaj obavještenja za javnost.

Dana 08.11.2005. godine FERK je donio Zaključak br. 05-07-745-05/05, kojim je odredio da se spajaju predmeti po podnesenom zahtjevu za odobrenje tarifa



za djelatnost distribucije električne energije br. 07-02-647/19/05 od 01.10.2005. godine Javnom preduzeću «Elektroprivreda Bosne i Hercegovine» d.d. Sarajevo i po podnesenom zahtjevu za odobrenje tarifa za djelatnost snabdijevanja električnom energijom br. 07-02-647/20/05 od 01.10.2005. godine Javnom preduzeću «Elektroprivreda Bosne i Hercegovine» d.d. Sarajevo, te da će se o spojenim predmetima voditi dalje jedinstven postupak.

Članom 50. stav 1. Pravilnika o javnim raspravama i rješavanju zahtjeva i žalbi FERK-a, određeno je da nakon početka postupka formalne rasprave FERK zakazuje formalnu raspravu radi utvrđivanja činjenica.

Na osnovu naprijed navedenog odlučeno je kao u dispozitivu.

PREDSJEDNIK FERK-a
Risto Mandrapa, dipl.ing.maš., s.r.